

MWONGOZO WA KUSAHIHISHA INSHA KARATASI 102/1

1. Atambue kuwa ni swali la ripoti rasmi. Lazima insha hii iwe na anwani iliyo wazi, yaani iwe na neon ripoti, ya nani, kuhusu nini na wapi ?

Sharti sura ya ripoti maalum au rasmi izingatiwe: Kichwa, utangulizi, taratibu/yaliyoshughulikiwa, mwili/matokeo ya uchunguzi, hitimisho, mapendekezo na sahihi.

Baadhi ya hoja:

Insha iwe na maudhui yasiyopungua matano. Baadhi ya hoja ni kama vile:

- i. Ulevi
- ii. Ukosefu wa kazi
- iii. Wanyama wa pori kama vile ndovu
- iv. Watoto kutopelekwa shule
- v. Utepetevu wa vyombo vyombo vya usalama
- vi. Adhabu nyepesi zinazotolewa na mahakama
- vii. Wazazi kutotekeleza wajibu wao kwa watoto
- viii. Tamaduni zilizopitwa na wakati kama tohara, wizi wa mifugo n.k

Sharti mtahiniwa atoe mapendekezo ya kutatua tatitzo hili k.v

- i. Kupiga marufuku utengenazaji na unywaji wa pombe haramu
 - ii. Kuanza miradi ya kuajiri vijana
 - iii. Watoto wote kupelekwa shule
 - iv. Vyombo vya usalama kuwa macho na kupigana na uhalifu
 - v. Adhabu kali kutolewa kwa wahalifu
 - vi. Wazazi kutekeleza wajibu wao wa kutunza watoto
 - vii. Kukabilia vikali na makundi haramu
 - viii. Kutupilia mbali tamaduni zilizopitwa na wakati
- Asiyezingatia sura ya ripoti aadhibiwe kwa kuondolewa 4s

Makosa ya sarufi na hijai yaadhibiwe yanapotokea

2.Mtahiniwa aandike insha ya hoja

- i. Sharti ataje hoja, kuifafanua na kuitolea mifano
- ii. Lazima aunge mkono hoja aliyopewa
- iii. Pia aonyeshe upande wa pili wa hoja aliyopewa.
- iv. Aeleze mitindo ya maisha ya kisasa.

- v. Hoja zake ziwe tano au zaidi

Hoja za kuunga mkono:

- i. Baadhi ya vyakula hasa vyenye mafuta, madini, sukari na chumvi husababisha magonjwa kama vile msukumo wa damu na kisukari
- ii. Kukosa mazoezi ya mwili hasa kwa sababu ya matumizi ya magari ya usafiri na ya kibinafsi na watu hawatembezi kwa miguu.
- iii. Matumizi ya pombe huleta madhara mengi kwa mwili yanayosababisha magonjwa ya akili.
- iv. Mienendo mibaya hasa kushiriki mapenzi ovyo ovyo husababisha magonjwa ya ukimwi, kisonono na magonjwa mengine ya zinaa.
- v. Uchafuzi wa mazingira husababisha magonjwa kama vile ya pumu, malaria, kipindupindu n.k

Hoja za kupinga:

- i. Atetee kwamba magonjwa hayasababishwi tu na mitindo ya maisha ya kisasa.
- ii. Baadhi ya magonjwa hurithishwa katika familia.
- iii. Kuna magonjwa yanayoletwa na wadudu kama vile mbu, konokono n.k
- iv. Magonjwa kama vile mafua husababishwa na hali ya anga na si hali ya maisha.
- v. Hali za kimaumbile kama vile mafuriko husababisha magonjwa kama vile kipindupindu.

3. Sharti aelewa kuwa ni methali.

Atunge kisa ambacho kinaoana vizuri na maana ya matumizi ya methali hii.

Kisa chake kiwe cha kuvutia.

Sharti aonyeshe pande mbili za methali. Aonyeshe mhusika anayechagua kitu au jambo zuri lakini analikosa na kupata lingine la kiwango cha chini.

Anatakiwa kuonyesha kuwa tusiwe watu wa kuchagua vitu bali tufanye bidii kupata tunachokihitaji.

Makosa ya hijai na sarufi yaadhibiwe yanapotokea

4. Ni sharti mtahiniwa aanze kwa maneno aliyopewa.

Anatakiwa kuanza kwa maneno yale bila ya kubadilisha wala kuyapunguza.

Kisa chake kiwa cha kuvutia na aonyeshe ni matukio yapi yaliyosababisha milipuko ile, kulikuwa na majeruhi na watu walitoroka kwenda wapi? Ni nini kilichotokea baada ya hapo?

Asipoanza kwa maneno aliyopewa atuzwe alama ya bakshishi

BK01

USAHIHISHAJI KWA JUMLA

Sharti mtahiniwa ajibu maswali mawili pekee.

Kazi ya mtahiniwa iwe nadhifu na ipangwe vizuri kiaya.

Makosa ya hijai na sarufi yaadhibiwe yanapotokea.

Baada ya kusahihisha kazi ya mtahiniwa, awekwe kwenye viwango ya A-D vilivyowekwa na baraza la kitaifa la mitihani K.N.E.C

Mtahini atakayepotoka, atakayejitungia swali au atakayetumia lugha isiyo Kiswahili atuzwe alama ya BK01.

Urefu wa insha sharti uzingatiwe (maneno 400) $\frac{1}{4}$ Urefu ukadiriwe hivi:

| Maneno | 100 | 200 | 300 | 400 |
|--------------|---------------------|---------------------|---------------------|--------|
| Kiwango | $\frac{1}{4}$ insha | $\frac{1}{2}$ insha | $\frac{3}{4}$ insha | Kamili |
| Alama za juu | 05 | 10 | 15 | 20 |

Tanbihi:

- Hizi ndizo alama za juu iwapo mtahiniwa ameandika kiwango hicho cha maneno . Kisha aadhibiwe makosa mengine
 - Mtindo wa zamani wa kuondoa alama 2U ulitupiliwa mbali.
- Alama zifuatazo zitumiwe katika usahihihaji.

✓ Msamiati unaofaa

×Msamiati usiofaa

–Kosa la hijai

=Kosa la sarufi

^Alama ya achwa – neno linapoachwa katika sentensi